

蟬殼

地骨皮

黃連

牡丹皮

蒼朮

米汁  
浸焙

白朮

菊花

各一  
兩

龍膽草

五  
錢

甜瓜子

三兩

右為細末每服一錢半荆芥煎湯送下食後臨臥各

一服

涼膈丸

治眼狀青色大小

黃連

洗不  
見火

黃芩

荆芥

龍膽草

各  
錢

蘆薈

防風

各一  
兩

黃柏

去皮

地膚子

右為細末煉蜜和丸每服二十九食後薄荷湯送下

麥門冬散

治血灌瞳人昏澁疼痛及輓輻門外障



麥門冬

大黃

黃芩

桔梗

玄參

細辛

芒硝各五錢

右每服水一鍾煎至七分去滓下芒硝少許食後溫服  
連翹飲子 治目中惡翳與大眦隱澁小眦緊久視昏  
花近風有淚

連翹

當歸

葵花

蔓荊子

甘草

柴胡

升麻

黃芩

黃芪

防風

羌活

生地黄

右等分食後服

調經散

治室女月水停久倒行逆上冲眼先以光明

散點血膜不退用珍珠散點先以調氣則血通矣

烏藥

附米

陳皮

川芎

當歸

茯苓

防風

荊芥

升麻

乾葛

血竭

紫薇花

紅花

不通加蘇木氣不順加木香沉香

右二香不過火煎出藥後將此二味香磨與藥同服  
若經脉月流不斷或因氣脹冲眼眼珠腫痛翳膜不  
退服天麻散

天麻退翳散

治垂簾翳障昏暗失明

當歸

一兩好酒浸焙乾

熟地黄

二兩酒浸焙乾

川芎

一兩五錢

赤芍

二兩五錢熱水泡

良厚青散

卷之二下

四



白姜蚕 一兩熱水泡洗 去系姜汁炒

蟬退 五十隻水泡 洗去頭足

羌活 防風

荆芥 木賊 各一兩 去根節

石决明 二兩燒 過存性 白蒺蒺 一兩五 炒 白芷 一兩 五錢 甘草 七錢

麥門冬 二兩 黄芩尾 羊角天麻 炒存性 厚枳殼 炒

蔓荆子 一兩炒打 碎 菊花 一兩 蜜蒙花 七錢

共二十一味每服連子三箇燈心七根水一鍾半煎

至八分食後温服若眼紅加黃連

酒煎散 治眼赤色有氣熱宜服

此方痛治婦人赤腫下垂初服此起

漢防已 防風 甘草 荆芥

當歸 赤芍藥 牛旁子

右酒煎食後服

大黃當歸散 治眼壅腫瘀血凝滯攻冲生翳宜服

當歸 菊花 大黃 炒 黄芩

紅花 炒 蘇木 梔子 炒

右煎服

當歸薄梗湯 治眼生翳淚出羞明發久不愈

薄荷 桔梗 知母 黑參

赤芍藥 黄芩 酒炒 生地黃 菊花

芫蔚子 當歸 桑白皮 防風



川芎 白芷 甘草  
右淨水一鍾煎服

黃芩白芷散 治眼內血翳淚出羞明發久不愈

當歸 黃芩 防已 防風

川芎 白芷 蒺藜 石決明

桔梗 草決明 青箱 蒙花

茺蔚子 菊花 木賊 知母

赤芍藥

右為細末食後清茶下

黃風菊花湯 治初起又力肉攀睛急宜服之

防風 黃連 桑白皮 赤茯苓

瞿麥 車前子 梔子 大黃

黃芩 細辛 桔梗 連翹

右水煎半飢溫服

加減當歸菊連湯 治膜下垂初服初發此方致效

如久病此方收功

當歸 白芷 赤茯苓 黃芩

赤芍 知母 桑螵蛸 生地黃

木通 連翹 麥門冬 菊花

防風 川芎 石膏 茺蔚



覆盆子 甘草

右水煎食後服

蒼朮散 治小兒豆瘡入眼生翳膜羞明怕日

蒼朮 槐花 防風 乾葛

藁本 川芎 蛇退 枸杞子

蒺藜 黃芩酒炒 乳香不見火煎成藥下 白菊花家產

蟬退 木賊 石膏 谷精草

甘草 沒藥不見火煎成藥傾碗內同乳香一齊下服

右為末水煎食後服大人水煎小兒為末服之

此治小兒疳眼其症泄後眼不開宜服 此進賢方

當歸 菊花 黃連各五錢

右為末水一鍾入蜜一匙煎三沸食後服之

小兒班瘡入眼

柴胡湯 又用茶調洗肝散 如赤眼用四物湯

四物湯

赤芍藥 羌活 蟬退 木賊

黃芩 大黃 蒙花 粉草

桔梗 蒺藜 鬱金 當歸

防風 龍膽草 川芎 獨活

石膏 川椒 菊花 草決明



黃連 荆芥 蒼朮 車前子

谷精草 右每服燈心十根温服

六一丸 治熱淚

蛤粉 黃連 木賊 香附米

右為末糊丸茶送下

通草散 洗風淚障翳

川芎 羌活 赤芍藥 甘草

當歸 射香

右為末搜勻為丸如皂角子大百沸湯泡淚眼神效

治眼赤腫

大黃 荆芥 鬱金 薄荷

朴硝 痛加沒藥

右為末用姜汁調或赤加葱根搥爛和藥貼太陽二穴

治小兒眼不開

用葶藶子為末取猪膽調貼額上

小撥雲散 治男婦目澁痛爛淚出羞明怕日昏瞳人

黃芩 甘草 梔子 大黃

龍膽草 芍藥 鬱金 羌活

蟬退 木賊 當歸 蒙花

蒺藜



洗心散 治眼目腫痛難開澁淚

大黃炒 黃芩 梔子 甘草

黃栢 木通 菊花 赤芍藥

防風 荆芥

蜜蒙花散 治久患內外障翳羞明怕日迎風洒淚腫

痛難開努肉攀睛風熱氣障等病皆治之

蒙花 威靈仙 草決明 羌活

黑附子 大黃 石膏 川椒炒

木賊 甘草 蟬退 獨活

諸實子 川芎 荆芥 車前子

防風 菊花 黃連 蒼朮

右燈心煎服

消風散 治一切風毒上攻頭目拘急鼻澁男婦宜服

藿香 白芷 全蝎 甘草

防風 青風藤

又方 治前症外感風邪頭痛鼻塞流涕眼目赤腫

荆芥 甘草 羌活 防風

陳皮 川芎 蘇葉 蟬退

附米 升麻 麻黃

右姜三片葱三根熟服取汗為度



治爛弦風 不問遠年近日洗藥

黃連 五倍子 麩仁 當歸

明礬焙 銅青

右為細末將小鍾張水入藥於內飯上蒸過藥水點洗爛處為妙

治時行熱眼

防風 川芎 生地黄 赤芍藥

梔子 龍膽草 蒼木浸炒 甘草

荆芥 黃柏 右煎服

爛眼弦

用明礬光醋飛過取無病婦人乳汁調鷄毛點茶之

爛弦風 赤眼

水銀一錢 銀硃五分 銅青三分

右姜包煨過共為末篩過點眼弦如神

眼疾頭痛消風散

藿香 川芎 甘草 人參

白茯苓 荆芥 逢川豆 直姜蚕

陳皮 蟬退 羌活 獨活

防風 加細辛白芷薄荷名川芎茶調散

點藥 冷眼用



火硝二錢水飛過晒乾芦甘石煉過二分不開流

熱眼

朋砂 一錢研細

片腦 二釐入前藥

暴赤眼

鷄子

一箇去黃用白

黃連

研細末一錢入鷄子白內紙封放爛泥中埋一日一夜次早取

出瀝過點之

五臟要論

心熱眼紅者血熱則可用苦連當歸尾蘇木紅花赤芍藥痒痛之類虛者本方若虛此數味除之加入參細辛沒藥歸尾熟地黃茯苓之類

肺熱火旺者則可用山梔子桑白皮地骨皮黃芩防風天麥二門冬之類虛則可加入參沉香黃芪磁石五味子之類實者用葶藶子連翹

肝氣盛火旺者則可用柴胡羌活青箱子白芍藥羚羊角虛則除之加熟地黃當歸川芎楮實枸杞之類脾胃實者則可用石膏朴硝黃芩黃柏虛則除之可加白朮蒼朮枳殼陳皮半夏人參之類

腎熱相火旺者則可用黃柏知母車前子木通滑石瞿麥扁蓄大黃朴硝之類虛則大忌之可加肉蓯蓉五味子磁石兔絲子乳香川椒青塩枸杞子之類



夫審瞳人之法瞳人開大者忌辛辣之藥瞳人焦小者宜寒涼辛辣則可也開大者以酸藥收之焦小者以辛藥散之久注不開者宜發之久積宜行氣血爲主 養肝血還睛丸亦可用之

未成症主方秘要 服表裡不退疼痛愈甚用細辛湯

明目細辛湯 治眼赤痛眉攢腫悶鼻塞涕唾稠粘大便秘結羞明怕日隱澁難開睫成綉多眵粘

助陽和血湯 治陰陽不升降作痛不時隱澁有淚眵蠹紅戾胡或持發赤眼京藥不長者用

救苦湯 眼暴發火旺苦疼不住服利藥不效有熱不退可用

當歸龍膽湯 治眼中黃仁生黃白翳從下而上此候多是火旺也人若患此此藥能瀉火退熱又能退翳消紅腫

桑螵蛸酒調散 治風熱裡病雙解散實熱裡病此藥

治傷風頭疼及眼珠腫痛或偏正此是傷風寒眼腫雖甚其眼皮帶浮而軟人多鼻塞聲重眼羞明怕日白仁雖虛壅而不蠹紅如此狀者用前二散表裡之腫消痛止用生地黄散撥雲湯變用又變前方不可



久服

驚金湯 裡熱無表症治一切實熱其眼腫起如桃有不近人手之怕羞明怕日或內壅突起蠹紅淚出如湯鼻涕澹流内生淡赤虛翳如此狀者其翳不能爲害熱去退翳即消此藥通解之痛止後用救苦湯當歸龍膽收功

酒調洗肝散 經驗洗肝散 治一切熱眼及赤眼難開眼珠痛白仁赤而痛不虛可用止痛生地黃散後用功亦同

當歸活血煎 治羞明怕日者頭痛雖甚內不蠹紅此樣眼多虛或眼上珠生白陷翳者此方可與蟬花散蜜蒙花散相間服之効

蜜蒙花散 治一切體虛之人無疼有羞明者服涼藥不得其眼羞明而內痛白仁內隱紅常流清涕淚視物蒙蒙此藥可用日進二三服決明子散蟬花散此三方功亦同効

省風湯 治一切肝氣有餘瞳人鎖緊或成乾缺視物不能明繚亂白仁淡紅瞳人焦小黃色夜見五色烽光者此方能除肝膽極熱

九仙飲 治年老之人眼赤不退帶些紅白色若然有



金海精微 卷之十一 三  
蠹紅者以暴發客熱類推之

洗肝散 治眼肝氣有餘風輪變色焦枯或疼痛外生赤翳此方能除火退肝熱

紫金丸 治外障生雲膜血翳服涼藥不退而不多痛者可用

夜光柳紅丸 治風毒上攻眼虛腫頗有紅紫或痒或痛生翳年久服諸藥不効可用

脩肝散 治暴發眼及發不時疼痛甚者熱服肝氣上升淚出汪汪內有鮮紅可用至如痛止血散不用

補肝重明丸 治諸眼眼涼藥裏愈後失神光者其眼無羞明用之能補養肝血還睛丸亦可用之

當歸龍膽湯 治眼中黃仁生白翳從下而上此候多是火旺也人有此患此藥瀉火退熱用能退翳消紅腫

### 審症應驗口訣

如男子婦人患偏正頭痛者先審熱甚用雙解散二三貼大通之後服川芎茶調散加涼劑點用九一丹冷痛者用桑螵蛸酒調散大通之後用川芎散神清散主之點用清涼散少加腦入些姜粉無不効矣

烏輪赤暈刺痛浮漿此肝熱也治法宜用酒調洗肝散



金海精微 卷之十  
加麻黃赤芍或瀉肝散修肝散收功生地黄散點用  
清涼間九一丹

膽生清淚枯黃遠睛此肝虛也治法用止淚補肝散點  
用九一丹後服補腎丸此乃滋母益子也

瞳人開大淡白偏斜者此腎虛也治方服補腎丸補腎  
明目丸駐景丸點用九一丹多服少點

瞳人焦小或帶微黃此腎熱也治法先服五瀉湯著風  
之類後收功用補腎明目丸久服甚効

瞳青胞白痒而清淚不赤不疼是謂之風眼治法服羌  
活除風湯點九一丹間二八入芫荽粉効

烏輪突起胞硬瞳紅眵淚濕漿裏熱則痛是謂之熱眼  
治方用雙解散加涼火通之劑瞳痛止用生地黄散  
點用清涼散間九一丹點之隨人治法用之

眼渾如淚胞腫而軟上壅濛濛酸渣微赤是謂之氣眼  
服桑螵蛸酒調散後服明目流氣飲當歸湯主之

其或風與熱并則痒而浮赤風與氣搏則痒澁昏沉點  
用九一丹間二八丹服羌活除風湯

血熱交聚故生淫膚粟肉紅縷偷針之類服用瀉脾湯  
瀉心湯主之點用清涼散有淫膚粟肉可剗洗至平  
洗止



金海卷之  
眼熱經久復有風冷所乘則赤爛點用清涼散服用瀉  
心湯洗肝散主之洗用綿裹散其効甚速

眼中不痛而赤但爲痰飲所注則作痛服用半夏二陳  
湯三四貼後服明目流氣飲不用點藥

肝氣不順而挾熱所以羞明服用洗肝散二三貼加麻  
黃後服蜜蒙花散五七貼補腎主之點用九一丹加  
清涼散初不可重藥

白睛帶赤或紅筋者其熱在肺服洗肺湯除熱飲洗肝  
散點用清涼藥九一丹

上胞下臉或目唇間如疥點者其熱在脾治法服瀉脾  
湯瀉脾除熱飲三黃丸主之可刺可洗用清涼散點  
有淚翳者九一丹點之

因風則散之用九一丹入芫姜粉熱則清涼散點之氣  
結則調順之將前藥間點因風者可用防風通聖散  
即名雙解散後服羌活除風湯熱者洗肝散脩肝散  
氣結者服流氣飲黃芪湯主之

白陷魚鱗之症多因肝腎俱實血衰成陷治法服酒調  
散二貼後服蟬花散蜜蒙花散相間服之効點用二  
八丹調乳汁點間九一丹點之

突起睛高旋螺尖起嶮峻利害之症也又有一法與他



取平之効將鋒針針入三分用鳳屎點針口所以毒攻毒或陰丹蘸點亦可先服鬱金酒調散四五貼後可動針此乃平正之法無光之効也

又有一症通年月眼內痒極秘曰諸痛為實諸痒為虛人之患眼虛腫及眼眶骨此痰飲為患治法用明目流氣飲加半夏陳皮厚朴三味用姜二片同煎連服四五貼其痛即除另將二陳湯丹藥亦可點用治之隨輕重所施治法在人意見耳

頭風

冷痛

熱痛

風痛

痰厥痛

係偏風

陽明頭痛

眼淚

熱淚

冷淚

虛淚

風淚

濕淚

審症秘諭

暴發眼者審他是熱甚用雙解救苦湯當歸龍膽湯脩肝散洗肝散瀉肝散鬱金酒調散

有是風熱火病服涼藥不退者用明目細辛湯助陽活血湯紫金川芎茶調散明目流氣飲桑螵蛸酒調散

有是久病血滯風甚用當歸和血煎神清散沒藥散捲雲湯發歇無時用生地黃散破血紅花散



有是風毒爲病用蟬花散如聖散川芎茶調散神清散  
夜光柳紅丸痰病用清熱半夏二陳湯之類老痰用  
四生丸

有是久病無表病裏病眼內淨了用蟬花散蜜蒙花散  
決明子散十味還睛丸

若內病俱無但是外病可次第依法不須服藥有翳只  
是去翳藥加減療之

辨眼經脉交傳病症論

有人問於予曰人之眼目乃五臟六腑之精苟有患  
傷于內腑其理何哉然則又有左病而不傳右右病  
而不傳左左右俱病未審其詳請而言之予應之曰  
噫非精於岐黃龍木之奧者莫明乎此也

夫眼者乃五臟之專精也目者是心之竅也瞳人者  
腎之精也宗精之水所以不出行血裹之氣輔之共  
奏於目頭者諸陽之所聚也足太陽膀胱之脉起於  
目之銳背通頂入腦正屬日本名曰眼系督脉陽系  
之會首循風府而出則入係腦則爲目風厥肝脉上  
出額督會於顛頂其別交者從目係風相搏故目眊  
眊無所見頂中風府兩筋之間乃別陰陽交于目內  
銳背陰氣盛則目膜陽氣盛則目瞑病而不得以者



衛氣不得入於陰故陽氣滿而陰氣虛故目不瞑而不得拋者衛氣流於陰不得於陽陽氣虛故目閉故病猶有偏勝之理且飲食之中有五味天地之氣有六淫人身之中有七情皆能生病更有賊微正邪之別氣與味也皆無形之物能傷於有形之質何患不生於病况眼科之中又有與大方之不同治之各有異亦宜審其受病之因視其內外淺深之症假若一槩治療不無抱薪之患良可惜哉予因幼耽疾苦求醫療迨經數年於是熟玩諸家之書治之玄妙之旨訪尋師友廣博方書採集百端推原其本凡有疑難之間不恥下問務究奧旨予能潛心注意雖不登岐黃龍木之岸亦可謂醫中之魁首矣

凡看眼法先審瞳人神光次看風輪再察白仁四辨胞臉二眥此四者眼科之大要看眼之時令其平身正立緩緩舉手輕撐開眼皮先審瞳人若有神光則開合猛烈次看風輪若展縮雄健則魂魄無病三察氣輪無病則澤潤光滑四辨其肉輪若好則間各有力二眥不蠹赤矣

凡審翳法若久年翳膜能去者其翳浮虛爛紅其眼不張若近年發歇眼其翳紅白色浮厚者有紫紅未



退有淚者易散看其中多有死釘不能去若散翳如紅霞色者易退若因頭痛起因有死白翳者難退又有一樣厚翳去盡其眼全痊黑睛有些微雲薄薄帶淡白色不能去名曰冷翳

凡烙法將烙時可安心定志將眼撐開用濕紙將四眥好肉處以濕紙敷定只留要烙處許大將匙燒紅於細綿上開過即烙之不可傷四弦烙乾用和鮮藥外敷之使具拔出火氣

### 用夾法

夾時先審轉看上下胞臉有瘀血處可剗剗至平血盡方止方可夾上夾子其夾不可高大只在重弦上仔細看其睫毛轉又要平正方可著力扯緊其夾肉處用小艾員灸三箇不可多灸灸多恐潰夾決日夾肉若未乾可再催用淡淡丹藥去其餘翳此眼縱有厚翳不可用重藥

用金針撥光了之時將蓉花葉末調水護之一日一換宜服謹翳丸等方

凡撥金針看人老瘦就手撥之肥壯者先宜服退氣散血和其五臟後可撥之

### 退氣散血



大黃

末二分五分

當歸

末二分五分

川山甲

二分二厘

連翹

二分二厘

白芷

一分二厘

乳香

一分二厘

沒藥

一分二厘

### 開金針法

凡開金針須擇吉日風靜日煖須待日午之時焚香請呼龍樹醫王觀音菩薩然後方靜坐片時定自己之氣息令人取木凳一條以綿被帖軟全患者坐於凳被上騎馬對坐面與我對平毋俟高低緩緩以銅簪脚於開縫處點計之次看鋒針口與瞳人三分之下要憑口訣使高低遠近方將鋒針令其入眼轉看數遍足了方按鋒針三四下看透了即取起有紫血出用綿紙拭乾其血後方用地字令針緩緩擦試若透此針取出然後依法用天字針再進取翳其翳若好撒開裹針緩緩收下停針畢方落在後去紙舉物與他看之即見不可與他人久視即用濕紙重重封固太陽用水膏塗之至次早方開看再換濕紙再封如此七日斜臥不可憑他翻身轉側七日後方開封與起無妨矣 念觀音呪七遍方取出金針看其翳不浮起即用濕紙封片時方去紙舉手動之

### 觀音呪

願眼紫金燈洒洒水离易黄沙滿藏經千眼千首千



龍王文殊大士騎獅子普賢菩薩乘象王日裏夜裏  
雲膜盡翳膜消磨強中強吉中吉眼中常願得光明  
清淨般若波羅密

### 眼科用藥次第法

夫眼疾之醫雖分症類而其中病源不可不深思而  
熟視哉夫病有久新証有輕重須分表裏風熱氣熱  
濕熱實熱而新病者皆因內積熱毒之輕循經絡而  
上頭目遇外風寒所觸而發者必須先發表風邪後  
乃遠其火熱黃連黃芩以瀉火防風薄荷以疎風兼  
以麻黃蒼朮之類如無風寒所逼推血壅上宜用當

歸大黃防已墜下之劑久眼昏蒙所曉宜用當歸地  
黃防風羌活之類有翳膜加木賊蒺藜蟬退決明等  
劑如胞合眼皮不開此乃寒邪之氣傷胞宜行氣之  
藥青皮黃芪香附兼以風藥佐之血滯者宜調血赤  
芍歸尾鼠粘如頭痛者羌活白芷蔓荊藁本川烏之  
類佐以風藥防風荆芥玄參柴胡細辛用之必當也  
如眼眩暈昏潰十分作痛但虛腫痛及眼眶此乃痰  
飲所患宜二陳湯兼佐以風藥如腫脹暗痛熱淚難  
禁者苦寒之藥宜然但視人之形氣虛實體之盛衰  
務究其內外淺深不可專書全在人之活法方書者



金匱要略卷之十  
乃前人立法之規使後無失其序如歸於症者則緩  
可以尋方倘暴發者變動於頃刻苟不明於藥性寒  
溫病勢之緩急而使之療非徒無益而反害之矣予  
掇拾諸家之方贅成歌括六十餘首此平昔應驗之  
神方若用意熟記則不思恃而了然矣若能知抽添  
之工夫加減之意趣真可謂眼科中之至寶哉後之  
學者當以予之用心珍之重之俾術不輕而身不賤  
矣內障一書乃心授之法故不形於紙筆如若泛泛  
豈仁人君子哉

金針眼科經驗方藥詩括

酒調散歸及麻蒼赤芍菊甘羌大黃羌蔚桑蝶共十味  
暴風腫痛用之良

酒煎散內歸芩苓赤芍木通山梔仁龍膽大黃麝金入  
防風加上效如神

酒調洗肝有黑參知母大黃苓桔梗梔子朴硝共七味  
睛痛淚出用之痊

四順當歸與大黃更兼甘草赤芍良不拘疾眼經年久  
一服交君便可康

八正車前與瞿麥匾葛滑石山梔仁大黃木通同甘草  
燈心竹葉效如神



雙解防風將軍芍薄荷芎歸草朴硝梔翹梗芩膏麻黃  
荆芥白朮滑石良

當歸活血煎黃芪薄荷蒼朮麻黃宜川芎羌活菊花等  
熟黃荆芥沒藥醫

大黃當歸散菊花薄荷黃芩川芎佳壅腫血凝生赤翳  
頻頻服藥再連滓

七寶洗心當歸芍黃連荆芥及麻黃梔子大黃共七味  
眼疼赤痛正相當

九仙飲治眼通紅赤芍當歸與木通白芷黃芩同甘草  
菊花荆芥與川芎

治時散有蜜蒙花歸菊荆蟬梔子加木賊防風甘草朮  
更兼赤白芍無差

蒼朮散能止昏淚夏枯木賊甘香附蒺藜白芷芎防風  
蟬退天蚕蔓荆助

脩肝散有當歸芩薄荷連翹山梔仁甘草防風加蜜烹  
肝虛自暗用之靈

瀉肝散內有桔梗大黃知母與黑參朴硝黃芩連十味  
眼痛暴發霎時平

加味脩肝散芥歸菊花羌活甘蒺藜大黃連翹薄荷梗  
赤芍防風莫改移



涼膈連翹梔子仁大黃甘薄朴硝苈更加黃連赤芍藥  
服之熱毒化爲塵

茶調散內菊薄荷羌活川芎荆芥和石決石膏甘草少  
防風木賊去流疴

眼中淚出如何得四物補肝加木賊蒼朮防風白蒺藜  
川芎羌活甘草炙

明目細辛藁本芎紅花歸蔓薊防風生黃椒茯麻根入  
羌活蒙花共湊功

救苦湯內桔翹辛羌活川藁歸身龍膽知母荆防草  
黃芩連栢生地升

撥雲菊花及蟬退白蒺川芎薊芥配羌活防風桑白皮  
掃除熱翳真無偽

肝風衝眼淚昏蒙羌活黃芪及撫芎甘草蒺藜荆芥穗  
何愁翳膜障雙睛

蜜蒙花散有菊花木賊石決明莫差白芍甘草白蒺藜  
細研爲末用清茶

連翹散內有黃芩羌活菊花苈決明白蒺蜜蒙龍膽草  
更兼甘草去羞明

川芎羌活治頭疼藁本細辛白芷增更有蔓荆防風佐  
教君一服便安寧



煖肝湯內有防風羌蔚藁甘及川芎五味細辛知母等  
黃芩若治最多功

省味脩肝用當歸赤芍防風白蒺藜蟬退大黃川芎使  
更加木賊是其宜

復明散內石決明羌蔚青箱甘蔓荆木賊人參夏枯草  
白芷芎蒺草決明

人參羌活散獨活甘草茯苓桔梗芍枳殼天麻地骨皮  
柴胡前胡川芎藥

洗心散內七般藥甘草當歸同芍藥荆芥蒼朮麻大黃  
眼腫服之如捻却

退赤散內有大黃黃連白芷赤芍詳當歸白蒺藜去白  
何愁淚出熱如湯

小菊花散只五味蒺藜木賊五味是羌活爲末用茶調  
專治羞明并澁淚

防風湯內用蟬蟲薄荷當歸及川芎羌活大黃梔子草  
熱衝眼目并頭風

蟬花散內菊苓風羌活山梔白蒺芎木賊蔓荆決明子  
谷精荆芥草蜜蒙

省風湯內有羚羊羌活黑參麻大黃知母當歸升桔梗  
蜜蒙甘草是奇方



補血當歸熟地黃白朮白芍芎芷防車菊辛羌甘白茯苓梗芩蔚疾大黃

活血當歸散木通黃芩生地與撫芎白疾當歸山梔子赤芍甘草菊花同

碗血當歸劉竒菊玄明赤芍紅蘇木夫芩歸尾羌連翹木賊甘草生地熟

菩薩散藥只五味甘草防風白疾藜蒼朮荆芥治羞明效若靈丹故名是

明目流氣飲牛旁荆玄梔藜細防風甘草大黃再添入眼中赤澁不來攻

蔓荆散內有黃芪甘草人參白芍宜黃栢倍加將酒炒昏蒙虛氣用之宜

川芎茶調散薄荷白芷防風甘草和更有細辛兼羌活荆茶同煎用者多

助陽和血補氣湯甘草當歸白芷防蔓荆升麻柴胡使黃芪加上水煎嘗

省風百解荆芥參甘草陳皮白茯苓姜蚕芎翳防風藿蟬退厚朴羌活葶

散熱飲子用黃連防風羌活黃芩兼大黃當歸生地入腫痛暴發即時痊



龍膽散有乾菊花川芎香附木賊加草決明中加甘草  
迎風冷淚却無夢

芎藭散內荆芥多甘草菊花及薄荷蒼朮一味米泔浸  
研爲細末任調和

神仙退翳羌活歸甘草蒙花荆賊藜地骨瓜蔓蔓枳實  
椒連蟬菊薄蛇皮

當歸龍膽升麻草赤芍柴胡五味藁羌活石膏同黃芪  
黃栢連翹酒炒好

洗心眼散治退紅羌活升麻草木通梔子大黃赤芍藥  
黃芩九味奏防風

偏正頭痛用清空黃連酒炒及川芎柴胡羌活黃芩草  
細辛少使配防風

菊花茶調散川芎荆芥細辛草防風白芷薄荷羌活劑  
姜蚕蟬退治頭風

打撲疹痘紅花散升麻生地羌活草大黃連翹赤芍藥  
更加當歸尾國老

小防風湯梔子仁羌活甘草當歸身赤芍大黃水煎服  
小兒熱毒用之神

小承氣湯薄荷蟬甘草杏仁及防風羌活天麻當歸是  
大黃赤芍水煎同



金沙米符 卷之十  
菊花膏內用大黃荆芥黃芩木草蒼羌活防風黃連佐  
細辛爲末蜜調膏

糖煎散有龍膽草防已防風同甘草赤芍川芎荆芥歸  
服之奇効如神好

蟬花無比有茯苓羌活防風當歸身赤芍蒺藜同甘草  
川芎蒼木草决明

退翳撥雲黃連芩菊花龍膽羌活荆大黃石膏甘白芷  
石决防風草决明

已上六十一方 隨手作効

丹藥和論

對交丹四六丹可吹久年翳膜虛厚未堅實者不見  
人物者可三日一次九一丹解之其翳即消散如水  
厚薄至効如是對交四六不可用也後可用珍珠散  
間九一丹點之

三七丹施於手久眼凡紅白翳不拘下生上上生下  
厚極者可二日一次以淡淡丹和解之

二八丹理三五年發歇眼有紅系略有疼痛痒澁其  
翳帶紅白色可一夜一次輕藥和之

九一丹治眼時常發歇眼目生翳或疼痛可點若無  
疼痛只用清涼散間九一丹點之若有淡翳似飛雲



霧者只用碧雲丹清涼散吹點

又有一切冷眼不受寒藥者只用清涼散少加片腦入些姜粉時時點之効

又有一切眼不受納藥者看其翳若去得將各樣丹膏少少調乳汁時時少少點之更不受者用淨三黃陽丹不用腦點亦能消翳吹雲膏亦可主之

又有一樣受不得前藥只將陽丹不用腦射朋砂點之

又有一樣眼諸丹藥點不服將鷄心樵榔磨冷水將鷄翎點亦能退翳

又有一樣眼不用丹藥將青塩及食塩火燒過冷水調鷄毛點亦能退翳

又有一樣眼人丟刺在眼不得出者將葱搥碎敷之又將五倍子搥碎敷刺亦出又將蜣螂即噴屎蟲研碎敷之刺亦出

煉蘆甘石浸藥水方

防風

黃芩

大黃

當歸

龍膽草

黃柏各一兩

羌活

生地黄

川芎

白芷

細辛

菊花各八錢

麻黃

赤芍藥

蒼朮

木賊各六錢



黃連

一兩五錢

荊芥

五錢

山梔子

薄荷

各七錢

草烏

此以下三味新增

栝子仁

柴胡

蜜蒙花

右將二十四味俱選新鮮的細切如麻豆一咀用冷水四五碗銅盆內浸三四夜若春夏浸二宿秋五冬七日常以手擦過使其味出用細布濾過之

煉蘆甘石法

其甘石須選帶隔又要輕或帶淡天青色可也打碎用燒過銀鍋內貯滿一仰一蓋頓丹爐內煉至極紅透鈴出淬藥水內其喫過藥傾撒仍將甘石置火內依前淬如此者三凡一次須煉極紅不透恐甘石變色黑淬三次已定將甘石通打碎又用新藥水浸一宿去火毒次日傾盡藥水晒乾研末有石者作一處無石者作一處異研又可將藥水再濕過晒過研極細細絹篩過即為陽丹

修合陰丹法

煉過甘石

四兩 銅青

七錢五分

礶砂

白的二錢半

青鹽

彌陀僧

一錢

右將此五味用龍膽草及黃連二件浸過的水通將五味和勻濕過礶碗內研得如泥至膩方可晒乾再



研方入別藥

又入六味

黃連

二錢五分 末二錢 去葉

草烏

末二錢

乳香

製過一錢半

沒藥

製過一錢 合乳香製法在後

右將此六味研至極細膩方入別諸藥

後藥味

明砂

明者一錢 火枯

胆礬

三分

雄黃

七分 要輕粉七分

黃丹

五分 以水淘去硝沙 沉丹用晒乾

硃砂

五分

牙硝

五分

海螵蛸

七分 火煨味淡 白色者不煨

白丁香

五分 即小雀屎 立歆者

血竭

五分

明礬

一錢 火枯

姜粉

七分 姜汁沉慮細者晒乾

腦射

少許

除片腦及射香隨時加減外其餘藥二十三味通共一處併研至細膩細絹篩過貯作一確謂之捲雲丹即陰丹也惟此一料捲雲丹以陰陽動靜用之或可加可減斟酌膜之厚薄翳之遠近假如年久翳膜厚者加以陰丹減陽丹若使翳膜薄者或乍發不久者又加以陽丹減以陰丹外障諸症不出此藥百試百驗無不效真乃濟世之靈寶也

珍珠散 治一切膜障眼

乳香

製過

沒藥

製過

珍珠

製過以上各一錢五分



金海藥錄

一錢

輕粉

一分半

射香

七厘

銅青

五分

牙硝

二分半

硃砂

一錢

片腦

二分

血竭

五分

麩仁

二錢新竹筒盛了文武火煨去壳油筒兩頭亦要紙封固取出去白皮方去油研用

琥珀

八分員時以一點研將簪脚點放火上燒化為清烟者氣做松香其色蠹紅乃為真也

胆礬

二分半

明礬

枯半

白丁香

二分

右精製為極細末配童子小便浸三黃水煮甘石為

陽丹聽用

怕日羞明多淚並皆治之却將黃連末能膽牛黃麩

仁四件用長流水一大碗於磁器內熬至半碗用重

綿布瀝去渣量意入蜜二兩文武火熬至紫色蘸起

牽絲為度不可太過不及方將明砂龍腦收貯在磁

器封固土埋七日出火毒用時將銅簪蘸點於眼內

少許日點三次忌動風之物

靈妙應痛膏

此膏治眼疼痛暴發不可忍者

麩仁

一百粒

硃砂

飛一錢

片腦

一字

乳香

如棗核大

朋砂

一錢

右將前藥俱為細末用蜂蜜為膏子以銅簪點之一

二次其痛即止

神仙碧霞丹

銅綠

一兩

當歸

二錢

沒藥

制過

麝香

二分



馬牙硝五分 乳香五分 黃連末二錢 片腦二分

白丁香二分 一方加此三味

右將前藥俱研為末熬黃連膏子為丸如龍眼核大用時將一丸凉水化開日點二次六次効

吹雲丹 治目中淚及迎風並羞明怕日常欲閉目在

暗室塞其戶牖翳成歲久遮睛此藥多點神効

細辛 升麻 蕤仁各二分 青皮

連翹 防風各四分 柴胡五分 甘草

當歸各六錢 荆芥穗一錢 絞取濃汁 揀黃連三錢

生地黃一錢五分

右將吹咀除連翹外用淨水二碗先熬餘藥至半碗入連翹同熬至大盞許去渣入銀石器內文武熬至滴水內成珠不散為度煉熟蜜少許熬用之

摘鼻散

三黃 黃連 黃栢 黃芩

煉煮確內三黃童便以乾為度取出又以龍膽草水洗浸一宿晒乾甘石即三黃丹聽用以前珍珠散藥末為極細末再不必用製配合三黃聽用

珍珠散 此能退翳翳厚者點之合此藥朋砂要枯過

用



一倍三黃丹

一倍珍珠散

腦射朋砂臨

時放量度下

如要輕些

一倍三黃丹

一倍珍珠散

腦射朋砂如

前

再要輕些

陽丹一倍

三黃丹一倍

珍珠散一倍

上三樣共合腦射朋砂亦要

合丹口功要法

其合丹之日要天晴日朗更搗諸藥要細篩而又篩

方妙

九一丹

九匙陽丹

一匙陰丹

二八丹

八匙陽丹

二匙陰丹

三七丹

七匙陽丹

三匙陰丹

四六丹

六匙陽丹

四匙陰丹

已上丹藥俱腦射研砂枯煨過臨時量度加減放



假如二八丹陽丹八匙陰丹二匙用片腦三釐枯過  
硼砂四釐射香二釐

九一丹陽丹九匙陰丹一匙枯過硼砂五釐片腦三  
釐射香一釐能止淚去翳

### 清涼散

即陽丹十匙硼砂六釐生用片腦三四釐射香三  
釐其腦射硼砂點時合丹量度下

### 碧雲丹

即清涼散加銅綠亦要腦射或加枯礬少許能去  
翳膜用

### 捲雲丹

即陰丹如遇眼勾剪大小背頭暈可將藥調液點  
退血

又有一丹點能退翳

捲雲丹一匙

陽丹半匙

姜粉二分

飛礬分半

燒過塩一分半

共合點之

### 七寶散

琥珀

珍珠

各三錢

硼砂

五分

珊瑚

一錢

硃砂

硃砂

各五分

玉屑

一錢

麩仁

三十

片腦

射香

各一分



右將前藥俱細研礪如塵埃方入射香片腦麩仁三件再研熟官絹篩過於確內夜間臨臥以銅簪挑一米大許點於有翳膜處

撥雲散

蘆甘石煉過二兩 黃丹制過二兩 川烏一兩五錢 犀角一兩

乳香 沒藥 礪砂 青鹽各二錢五分

硼砂 血竭 輕粉 鷹屎各二錢

片腦五分 射香五錢 麩仁去壳一錢半

右將前藥如法精製共研和勻極膩以羊角罐收貯但有翳膜者以銅簪每夜臨臥點二次極厚者亦能去也

治諸眼一切點貼膏藥

千金勝極膏

蘆甘石煉過一兩 黃連末六錢 川烏炮去皮六錢 銅青好的二錢

川姜煨去皮六錢 鷹屎二錢 沒藥制過 黃丹各二錢

乳香制過一錢 血竭一錢 礪砂五分 龍腦五分

射香二分 麩仁去皮油淨六錢

右將前藥俱為末冬蜜一斤砂鍋內溶開生絹濾過去蠟煎熬用棍棒不住手攪熬至紫色滴水不散將前藥末入內攪勻取出於青石上鐵鎚可打千餘下



或為錠子或為丸子不拘作發遠年近日疼痛風濕  
難開諸症將一丸溫水化開或點眼或作錠子磨水  
點之極効又或為膏於紙上貼兩太陽穴散血尤妙

熊膽膏

熊膽 一錢真者其色如沙糖樣帶潤濕色吃在口內味苦又涼即真者 牛黃 一錢

龍腦 五分即蘇州薄荷其葉三四指大如羊葉相 蕤仁 去油一錢

硼砂 一錢 黃連 為末二兩

此膏治男婦遠年近日內外障膜赤爛天行時氣暴發赤腫

治眼腫紅痛澁難開若用荆洗之後可吹鼻中先含水

一口然後吹之以通其氣散其風邪

鵝不吃草 二川芎 白芷 石菖蒲

蔓荆子 各三錢 細辛 牙皂 全蝎 各一錢

鬱金 三錢

右為細末確內收貯勿令泄氣以備後用

五黃膏 治目腫澁痛欲以冷洗應驗

好黃連 黃芩 黃栢 大黃

黃丹

右為末以芙蓉葉用冷水或煎茶調貼兩太陽穴

白歛膏



好白芨 小白芷 白欵

右為末牛脂熬成膏如前敷貼

四生散 治眼目被物刺傷或摸損

生地黃 生薄荷 生艾葉 生當歸

朴硝

右共搗爛貼眼眶并患處

神仙散 治頭目昏眩偏風痛極

甜瓜蒂 煇硝 雄黃 蒼耳子

川芎 薄荷 藜蘆 鬱金

右將前為末口含水吹一字入鼻中令患者含水一

口方吹藥入患者鼻中

碧天丹 專治遠年近日爛弦風眼

銅青 五錢 明礬 四錢 五倍子 一錢 白堊土 一錢

海螵蛸 一錢 薄荷葉 五分

右將此六味俱為末用老姜汁搜和為丸如圓眼核

大要用時將一丸淡姜湯一盞泡散洗眼弦次日再

洗依此洗三四次即愈

八仙丹 治爛眼弦風有蟲痒甚效

當歸 七分 銅綠 一錢 薄荷 七分 白礬 一錢

黃連 五倍 煇硝 各五分 輕粉 一分



右爲末極細以絹篩用絹包約龍眼核大泡洗日三五次

藥性論

當歸味甘性溫入心肝二經尾能破血頭養血全用活血熱者不可用製用酒洗

川芎味辛性溫入肝經上行頭角助陽氣止痛下行血海能養血如氣旺者不可用

赤芍藥味苦辛性寒入肝經能破血行血去赤膚止痛白芍藥味苦酸性寒入肝經能補脾損肝氣能養肝血瀉肝火如肝虛火衰者不可用

熟地黃味甘性溫入心經肝經補血如熱者不可用用酒蒸杵爛爲餅晒乾研爲末作丸如不作丸勿蒸黃栢味苦寒入腎經補腎降相火如火衰不可用

龍膽草味苦性涼入肝經益肝膽氣治目赤腫除胃家伏熱

半夏除濕化痰和胃氣利胸膈治太陰頭痛製用姜汁炒

羌活入膀胱經治頭疼去風邪降肝氣肝虛不用防風味甘辛性熱入膀胱經以體用通療諸風以氣味能瀉肺經



黃連味苦寒入心經能瀉心火涼血去中焦熱厚腸胃  
大黃味苦寒入胃經有推墻倒壁之功能消腫去其皮

膚之熱實者生用虛者酒蒸久患虛腫者勿用  
生地黄入心經治血熱生新血散瘀血涼心血寒者勿  
用

麻黃入肺經去風寒退邪熱開九竅發表

白芷味辛性熱入腸經去風止痛泊足陽明頭痛去肺

肝二經發熱

細辛味辛性熱入心經能去風止淚頭痛益肝膽通竅

去葉用

山梔子味苦入肺經瀉肺火除五藏熱目熱赤痛宜用

要炒

木賊味甘入肝經去目翳益肝膽明目去風通竅止淚

蒼朮味辛性溫入胃經平胃氣去風邪去濕止淚發散

用米泔水浸一日一換水浸炒乾用

瞿麥味苦入小腸經去膀胱熱養腎氣明目利小便

黃耆味甘性溫入脾經行氣固表虛血滯不行宜用蜜

浸火炙研爲末作丸如不做丸勿如此

滑石入小腸經能降上炎之火通九竅利小便

車前子味甘鹹性寒入小腸經清利小便去肝經風熱



石決明入肝經去目障明目有沉墜之功肝虛者不用  
火煨極紅爲度

青箱子性微寒入肝經瀉熱上衝去赤障肝虛不用製  
用酒洗

草決明入肝經治肝熱熱痛淚出明目肝虛不用

白蒺藜不入湯藥宜丸入肝經明目去風止痒炒杵去  
刺用

牡丹皮味苦寒入腎經瀉陰火陽炎能涼心血能行滯  
血止痛

地骨皮味苦寒入腎經退熱除蒸瀉肺熱宜用

桑白皮味甘入肺經除肺熱瀉肺氣肺寒不用

麥門冬味甘寒入肺經治肺熱去肺腑火又清心竅

蜜蒙花味甘入肝經去目中赤脉眵淚能明目

烏藥入肝經能順氣行氣去風

胡黃連味苦寒入肝經退骨熱潮熱補肝膽明目能治

小兒疳傷不下食霍亂熱痢疾小兒藥多用之

蔓荊子味苦寒入三焦治頭疼眼睛痛能明目開鬱降

火

枸杞子味甘入腎經補腎明目去目中赤膜遮睛酒洗  
用



何首烏味苦温入心經祛風寒治陽明頭疼  
蟬退入肝經去風解毒脫目翳止淚散寒邪

白木味苦温入脾胃經能健脾胃生津液去胞臉濕熱

氣喘者勿用又能助氣

香附米味苦辛能行氣助胃氣止淚去濕用之炒去毛

杵淨

夏枯草稟純陽之氣得陰氣則枯能止淚去風以陽補

陰之理

千里光入心經去風解毒熱明目亦能行氣即夜明砂

水淘去屎留砂

一種草藥名千里光採其嫩葉淨洗搗汁熬成膏單用

點眼退翳明目恐即此也前註恐非

遠志味苦氣温入心經定心益智利竅安魂魄

犀角入心經涼血解心熱清頭目鐵剉剉碎用或水磨

服

羚羊角入肝經清肺肝火清心明目肝虛不用

石膏入胃經瀉胃火伏熱有鎮之功胃虛不用

乾葛味甘平入胃經解肌發表退熱升提胃氣

藜本味辛入膀胱經去顛頭痛引藥上行

史君子味甘入胃經殺疳虫利小便



薄荷味辛寒入肝經去賊風發表利關節止痛

菊花味苦甘微寒入肝經明目清頭風去目翳發表

茺蔚子味辛甘入心經除血熱明目去風

甘草味甘生寒熱溫入脾經生用能瀉火解毒炙者能

助胃和平

桑螵蛸補腎去風通五淋利小便明目散翳

槐花味苦寒入心經去目赤瀉血瀉大腸熱

鬱金味苦寒入心經治血鬱於目能涼能破心下氣開

鬱

黑參味苦鹹入腎經補腎氣明目得黃芩瀉肝火除肝

熱

知母味苦寒入腎經補腎水瀉腎火三焦火

桔梗味苦溫入肺經治肺熱為諸藥之舟楫乃肺部之

引經

芒硝治積聚熱疾利大便不通

漢防已味辛苦寒通行諸經去風寒有走達之功

蒲黃味甘性平入心經消瘀血破血消腫炒用

連翹瀉心火解脾胃濕熱除心經客熱

五味子味酸性溫入腎經肺經補腎滋肺益肝

獨活味苦溫走諸經去外受賊風無分新舊



楮實子味苦寒入肺經升陽上行能去風治頭疼

肉蓯蓉味酸鹹性溫入腎經補腎生精用酒洗相火旺  
不用

川椒味辛熱用之於上退六腑之沉寒用之於下去目  
中障盲去目炒去汗用

人參味甘氣溫無毒入肺經補氣不足安魂魄生精開  
心竅通血肺寒可用肺熱傷肺

白茯苓味甘溫入肺經安魂定魄補心虛養神利小便  
旋覆花味甘入肺經去痰明目治頭風

兔絲子味甘辛入腎經補腎明目能去目黑花酒洗蒸  
餅晒乾爲丸不做丸勿製

澤瀉味甘寒入膀胱利水通淋補陰不足明目  
黑附子味辛大熱入三焦主陽散風去寒邪火旺者不

用即大附子去粗皮

木香味苦性溫入心經主治心痛泄胞腹中滯寒冷氣  
不必過火磨入藥中服

牛膝能引諸藥下行凡用土牛膝春夏用葉冬用根惟  
葉之効尤速能益精又治竹木刺入肉敷之即出

石斛味甘性溫入腎經去胃熱補陰血益精壯筋骨  
紅花味甘苦入心經能破血行滯血少用又養血



天門冬味苦氣寒入肺經瀉肺火定肺氣利小便涼血  
去心杵爲餅晒乾爲丸如不做分研

石菖蒲味辛性熱入腎經補腎能開心竅明目

柴胡味苦寒入肝經能除往來結熱積於胸中除肝熱  
又得黃芩能瀉肝火

黃芩味苦寒入肺經枯者瀉肝火實者退膀胱熱

巴戟能補腎益精療陰痿引氣上行

陳皮去白者消痰利氣留白者補胃和中

葶藶味苦寒入肺經瀉肺喘利水下肺氣炒用

芎藭入腦治頭痛血虛者去頭風養血

白附子一名兩頭尖去風痰止頭痛去粗皮用

天麻主頭風去風疾利四肢濕痺

枳殼寬腸下氣祛風化痰治風邪作痛

瓜蔓根即天花粉入肺經去痰火解熱毒又能除酒毒  
肺寒者不用冷痰者不可過用有熱藥此宜可亦

用之

匾蓄利小腸經熱閉

小茴香味辛氣平開胃行氣止嘔吐膀胱冷氣腫痛入  
藥炒用

南星去風痰消腫毒用姜汁煮過



草烏走筋骨敗血去風止痛姜汁煮用

川烏去風寒作痰助陽

荆芥去皮風邪發

雄黃解熱毒散血止痛

乳香調血氣利諸經之痛製用厚笮三片夾藥在中熨

斗火熨去油研末用

沒藥破血止痛去目翳暈同前製法

血竭破積血止痛去赤膚

木通利小腸經結熱降心火

牛旁子去風明目行氣

蛤粉能消痰火涼血解肌表極熱

蛇退即蛇皮去風毒止淚痒痛

全蝎消風毒破風痰尾更住去四足

藿香開胃氣結痰利之

蚕退去風消痰明目去翳膜即晚蚕砂

龍腦即薄荷性熱能通利寒熱去風消目赤

甘松味甘性温去風下氣治心腹痛辟惡氣

硃砂鎮心安魂魄涼血

肉桂引大陽經止頭痛去寒邪利肝膽氣

白欵散結氣除目赤熱



藜蘆吐氣風痰快膈去蘆用根有大毒用宜斟酌

白芨去賊風解中風熱閉

猪牙皂角去風痰解表利氣炙去皮弦

香白芷去皮膚風熱瘡痒

杏仁潤肺氣去痰行血

紫蘇消痰解表利氣

夜明砂明目去風

山茱萸入腎經除頭暈補虛生精去核

大麻子去風補腎明目研碎入煎藥

熊膽退熱降火去目赤熱試真假用水一碗撒灰在內

將熊膽放水中分灰水各開兩邊爲真者其色潤  
黑

山藥補腎不足生精

牛黃去熱痰能安魂魄涼血清心

石燕通血利小便治淋

蕤仁去目中赤痛風痒去翳製法去殼用仁以竹筒盛  
在內於紅火煨藥紙乾取出打去油聽用

珍珠清心明目去目翳製法用豆腐一塊入珠于腐內  
蒸過取出用洗淨無漿白綿布二三重包珠石上  
杵爛用細末



玄精石安魂魄有氣之功

沙魚皮解風毒止淚

威靈仙去風邪

青皮能下氣快膈消痰濁氣升於至高者而能下氣虛者不用

青塩補腎引至下部水磨花銅鍋熬成塩聽用

川練子明目退熱補腎去核用

沉香補右尺命門脉壯元陽散滯血

一方點藥撥翳膏

蕤仁

去皮壳

射香

四分另研

珍珠

一錢蒸過

放豆腐上

琥珀

一錢另研

石蠟

一錢煨

片腦

五分另研

硼砂

一錢另研

青塩

八分另研

白丁香

五分水澄

紅珊瑚

石燕

煨

滴乳香

熊膽

略多乾

辰砂

血竭

金精石

滾水泡

銀精石

滾水泡各二錢

蘆甘石

火煨黃連水淬七次用五錢或七錢

硃砂

一錢明者將紙七重包煨另研包起遇有翳厚者加入無翳者不用

右為細末和勻用磁器確盛起一半乾點一半入後

藥內為膏子點

當歸尾

生地黃

赤芍藥

防風



蔓荆子

羌活

連翹

黃芩

薄荷

各用五錢剉細用雪水或臘月水兩大盞石器內  
 煮藥至一盞去渣入真正好白蜜三兩再用文武  
 熬三四沸以新綿濾出收入磁罐內却將前藥末  
 共作一處攪勻用清油紙縛住常常旋取點用此  
 藥收八九年亦好不壞此仙傳方也

山西太原府前堂印造

銀海精微卷之下終

